

30 JUN 2003

I

AGONG DAN DR MAHATHIR HANTAR PERUTUSAN KEPADA KANADA

KUALA LUMPUR, 30 Jun (Bernama) -- Yang di-Pertuan Agong Tuanku Syed Sirajuddin Syed Putra Jamalullail dan Raja Permaisuri Agong Tuanku Fauziah Tengku Abdul Rashid menghantar perutusan tahniah kepada Gabenor Jeneral Kanada Adrienne Clarkson sempena sambutan Hari Kebangsaan negara itu, esok.

Menurut kenyataan Wisma Putra di sini hari ini, Seri Paduka berharap hubungan erat dan mesra antara kedua-dua buah negara akan dipertingkatkan.

Perdana Menteri Datuk Seri Dr Mahathir Mohamad juga menghantar perutusan yang sama kepada rakan sejawatannya Jean Chretien.

"Di bawah kepimpinan anda, Kanada bertambah makmur dan mendapat kepercayaan antarabangsa," katanya.

Dr Mahathir juga berharap hubungan dua hala antara kedua-dua negara akan terus berkembang.

Menteri Luar Datuk Seri Syed Hamid Albar juga menghantar perutusan sama kepada rakan sejawatannya William Graham.

"Malaysia dan Kanada telah lama menikmati hubungan dua hala yang rapat dan mesra. Saya berharap untuk terus bekerjasama dalam memupuk persahabatan ini demi kepentingan bersama kedua-dua buah negara," katanya.

-- BERNAMA

VP NM MOZ